



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 15 декабрь, № 260 (7218)

Шанба

Сайтимизга ўтиш учун QR-кодни
телефонингиз орқали сканер қилинг.



ЎЗБЕКИСТОН ПРЕЗИДЕНТИ ХАЛҚАРО МЕҲНАТ ТАШКИЛОТИ БОШ ДИРЕКТОРИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 14 декабрь куни Қашқадарё вилоятидан қайтиши биланок Тошкент халқаро аэропортида мамлакатимизда ташриф билан бўлиб турган Халқаро меҳнат ташкилоти бош директори Гай Райдер билан учрашув ўтказди.



Давлатимиз раҳбари меҳмонни самимий қутлар экан, ўзининг 100 йиллик фаолияти давомида жаҳонда ижтимоий адолатни илгари суриш ва меҳнатқашлар ҳуқуқини таъминлашга хизмат қилган Халқаро меҳнат ташкилоти билан самарали ҳамкорлики Ўзбекистон юксак кадрлашини алоҳида таъкидлади.

Мамлакатимиз 1992 йилдан буён Халқаро меҳнат ташкилотининг тўла ҳуқуқли аъзосидир. Бугунги кунга қадар ташкилотнинг 14 конвенцияси, жумладан, 8 асосий конвенцияси ратификация қилинган. 2017 йилдан бошлаб 2020 йилгача бўлган даврга мўлжалланган “Муносиб меҳнат бўйича мам-

лакат дастури” амалга оширилмоқда.

Ушбу дастур доирасида мамлакатимиз меҳнат қонунчилигини такомиллаштириш, фуқароларнинг меҳнат ҳуқуқларидан хабардорлигини, ҳуқуқий маданиятини ошириш бўйича тadbирлар олиб боришмоқда, меҳнат қонунчилигини бузиш ҳолатлари юзасидан тезкор чора кўришга қаратилган мулоқот механизми йўлга қўйилмоқда.

Жорий йилда Ўзбекистонда Халқаро меҳнат ташкилотининг миллий координатори офиси очилди.

Учрашувда ХМТ билан барча масалалар, жумладан, янги йўналишлар юзасидан конструктив мулоқотни давом

эттириш ва шериклик муносабатларини кенгайтиришга икки томон ҳам тайёр экани таъкидланди.

Гай Райдер давлатимиз раҳбарига самимий қабул учун миннатдорлик билдириб, Ўзбекистонда янги босқичда амалга оширилаётган ижтимоий-иқтисодий сиёсатни юксак баҳолади.

БМТ Барқарор тараққиёт мақсадларига ҳамоханг амалга оширилаётган 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси алоҳида қайд этилди.

Учрашувда шериклини янада кенгайтириш мулоқотни фаоллаштириш учун мустаҳкам замин яратилишига, Ўзбекистонда Бандлик миллий стратегиясини ишлаб чиқишда ХМТ тажрибасидан самарали фойдала-

рилаётганига, Ўзбекистон ратификация қилган ХМТ конвенцияларини 2018 — 2020 йилларда амалга ошириш бўйича “йўл харитаси” қабул қилинганига юксак баҳо берди.

Тошкентда “Барқарор тараққиёт мақсадлари доирасида муносиб бандлиқни таъминлаш: халқаро амалиёт ва Ўзбекистон тажрибаси” халқаро конференцияси муваффақиятли ўтказилгани самарали ҳамкорликдан далолат беради.

Учрашувда шериклини янада кенгайтириш мулоқотни фаоллаштириш учун мустаҳкам замин яратилишига, Ўзбекистонда Бандлик миллий стратегиясини ишлаб чиқишда ХМТ тажрибасидан самарали фойдала-

нишга хизмат қилишига ишонч билдирилди.

Ташкилот билан узоқ муддатли ҳамкорлик бўйича “йўл харитаси”ни ишлаб чиқиш ва қабул қилиш, мамлакатимиз томонидан ХМТ конвенцияларини ратификациядан ўтказиш ишларини давом эттириш, меҳнат муносабатлари соҳаси мутахассисларини тайёрлаш ва уларнинг малакасини ошириш, қасаба уюшмалари ва Иш бевуви чилар конфедерацияси фаолиятини қўллаб-қувватлаш тўғрисида келишувларга эришилди.

Ў.А.

**Ўзбекистон Республикаси
Президенти Матбуот хизмати
суратлари.**

ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИНИНГ ЎН ЕТТИНЧИ ЯЛПИ МАЖЛИСИ ТЎҒРИСИДА АХБОРОТ

2018 йил 14 декабрь куни Тошкент шаҳрида Ўзбекистон Республикаси Олий Мажлиси Сенатининг ўн еттинчи ялпи мажлиси иши давом эттирилди.

Мажлисида ҳукумат аъзолари, вазирлик ва марказий идоралар раҳбарлари, мамлакатимиз ва хорижий оммавий ахборот воситалари вакиллари иштирок этдилар.

Мажлисни Олий Мажлис Сенати Раиси Нигматилла Йўлдошев олиб борди.

Сенат аъзолари томонидан ички ишлар вазирининг ички ишлар органларининг жинойятчиликка қарши курашиш ва ҳуқуқбузарликларнинг олдини олиш соҳасидаги фаолияти тўғрисидаги ахбороти эшитилди.

Таъкидлаб ўтилганидек, мамлакатимизда олиб борилаётган демократик ислохотлар давомида ҳуқуқ-тартибот органларини юклатилган вазифаларни юксак даражада бажарадиган демократик тузилмага айлантиришга алоҳида эътибор қаратилмоқда. Амалга оширилаётган ислохотлар натижасида ички ишлар органларининг ташкилий тузилмаси, тезкор-хизмат фаолияти қайта ташкил этилди, мазкур соҳа ходимлари аҳолига яқиндан хизмат қилиши ва халққа яқин бўлиши учун уларнинг олдига

эндиликда мутлақо янгича талаблар қўйилди.

Бунда тегишли тузилмаларнинг олисида жойлашган аҳоли пунктларидаги ишини фаоллаштиришга алоҳида эътибор қаратилмоқда. Бунинг учун қўшимча равишда ички ишлар органларининг бўлинмалари ва таянч пунктлари ташкил этилиб, профилактика инспекторларининг сони оширилди.

Таъкидланганидек, кейинги вақтда барча ҳуқуқни муҳофаза қилувчи органларининг эътибори бевосита маҳаллаларда жинойятчиликнинг барвақт олдини

олишга ва аҳолида ҳуқуқбузарликларнинг ҳар қайси кўринишига мурасасиз муносабатни шакллантиришга қаратилмоқда. Бу борада Худудларда жинойятчиликнинг барвақт олдини олиш ва ҳуқуқбузарликка қарши курашиш республика комиссиясининг минтақавий гуруҳлари томонидан аниқ мақсадга қаратилган ишлар олиб боришмоқда. Бунда ҳар бир содир этилган жинойяти аҳоли орасида муҳокама қилишга алоҳида эътибор қаратилмоқда.

(Давоми 2-бетда).



Эксклюзив интервью

**Гай РАЙДЕР,
Халқаро меҳнат ташкилоти
бош директори:**

«Ўзбекистон меҳнат соҳасидаги халқаро мажбуриятларга нисбатан масъулиятли ва пухта ёндашувни намойиш қилмоқда»

— Бугунги кунда Ўзбекистон Республикаси Президентининг кучли сиёсий иродаси натижасида мамлакат халқаро ҳамжамиятга ўзининг очиклигини ҳамда ратификация қилинган ХМТ конвенциялари доирасидаги мажбуриятларини бажаришга юксак даражада содиқлигини намойён этмоқда. Шунингдек, амалга оширилаётган ислохотлар натижасида Ўзбекистон иқтисодиётининг барқарор ривожланиб бораётгани аҳоли турмуш даражасини ошириш, ижтимоий меҳнат соҳасидаги кўплаб масалаларни муваффақиятли ҳал этиш, фуқаролар меҳнат ҳуқуқларини самарали ва изчил таъминлаш имкониятини бераётгани эътиборга молик. Бу йўналишлардаги ишларга қасаба уюшмалари ҳам муносиб ҳисса қўшаётгани диққатга сазовор.

Дарҳақиқат, Ўзбекистон меҳнат соҳасидаги халқаро мажбуриятларга нисбатан масъулиятли ва пухта ёндашувни намойиш қилмоқда. Хусусан, сўнгги йилларда мамлакатда болалар меҳнати ва мажбурий меҳнатга йўл қўймаслиқ бўйича амалга оширилган чора-тадбирлар ва уларнинг самарасини алоҳида таъкидлаш зарур. Айни чоғда уч томонлама ҳамкорлар, яъни давлат, иш бевуви чилар ҳамда қасаба уюшмалари ўртасида йўлга қўйилган конструктив ижтимоий мулоқот, қасаба уюшмалари фаолияти учун яратилган шaroит намуна қилиб кўрсатишга арзийди. Шу билан бирга, аҳолининг муносиб, тўлиқ ва самарали бандлиги таъминлини таъминлашда ХМТ ва Ўзбекистон ўртасидаги ҳамкорлиқни янада кенгайтириш зарурлигини таъкидламоқчиман.

«Халқ сўзи» мухбири
Зокир ХУДОЙШУКУРОВ ёзиб олди.



Судлар «Адолат кўрғони»га айланмоғи керак

Толқин

Президентимиз мамлакатимиз Конституцияси қабул қилинганининг 26 йиллигига бағишланган тантанали маросимдаги маърузасида барча соҳалар сингари суд-ҳуқуқ тизимини ислоҳ қилиш билан боглиқ фикрларини билдирар экан, суд адолат кўрғони бўлиши кераклигини алоҳида таъкидлади. Зеро, одил бўлиш мазкур маҳкаманинг энг бирламчи вазифасидир.

Шухрат ПОЛВОНОВ, Олий Мажлис Қонунчилик палатаси депутаты:

— Тараққиётнинг янги босқичида ҳар бир соҳада кўламдор ишлар амалга оширилмоқда. Суд-ҳуқуқ соҳасини олсак, тизим тубдан ислоҳ қилинди ва бу ўз самарасини берапти. Президентимиз Конституциямиз қабул қилинганининг 26 йиллигига бағишланган маросимда таъкидлаганидек, жорий йилнинг ўзида 1 минг 881 жинойят иши далил етарли бўлмагани бoис тугатилди. Судлар томонидан 590 нафар шахс оқланди. Шунингдек, 5 минг 462 нафар шахсга нисбатан терговда асоссиз қўйилган моддалар айбловдан чиқариб ташланди, 2 минг 449 нафар шахс эса суд залидан озод қилинди. Судларда ишларни йиллар давомида қайта-қайта кўриш амалиётига бутунлай чек қўйилди. Кўриниб турибдики, ислохотлар жадал давом эттирилиб, тизим тобора янгиланиб бораётир. Шундай экан, биз, депутатлар фаолиятимизни шу жараёнларга мос тарзда ташкил этишимиз ва соҳага доир қонунчиликни янада такомиллаштириш чораларини кўришимиз зарур.

Зафар БОБОНОВ, Жинойят ишлари бўйича Олмасор тумани суди раиси:

— Президентимиз судьялар олдида одил судловни рўёбга чиқаришда қонунга, одиллик таъминлирига қатъий амал қилиш, ҳалол, виждонан ёндашиш талабини қўйди. Бу бежиз эмас. Қачонки, жамиятда адолат устувор бўлса, одамларнинг эртанги кунга ишончи ортади, катта мақсадларни олдига қўйиб, олға интилади. Фаолиятимиздан келиб чиқиб гапирадиган бўлсак, жорий йилнинг ўтган даврида жинойят ишлари бўйича Олмасор тумани суди томонидан 581 нафар шахсга нисбатан 461 жинойят иши кўрилиб яқунланди. Шундан 437 нафарига нисбатан 330 та жинойят иши ҳқим чиқариш йўли билан ҳал қилинди, 112 та жинойят иши тарафлар ярашгани муносабати билан тугатилди. Шунингдек, 2 нафар шахсга оқлов ҳукмлари чиқарилди. Албатта, бу ютуқларга махлиё бўлиб қолмаслигимиз керак. Негаки, ҳали олдимизда турган вазифалар кўп.

Озода ЖЎРАЕВА, Бухоро давлат университети ўқитувчиси:

— Ҳаёт жуда мураккаб. Киши эртага нима бўлишини олдиндан билмас экан. Бундан 17 йил олдин уй олиб, синглимнинг номига расмийлаштирган эдим. Аммо синглим вафот этгач, бу уйга турмуш ўртоғи, яъни куёвимиз эга чиқди. Икки ўт орасида қолдим. Вояга етмаган икки фарзандим билан қаерга бораман, энди нима қиламан, деган ўйлар гирдобида эдим. Яхши инсонлар маслаҳати билан Конституциямизда белгилаб қўйилган ҳуқуқимдан фойдаланган ҳолда, фуқаролик ишлари бўйича вилеят судига мурожаат қилдим. Зарур барча ҳужжатларни тақдим этдим. Адолат бор экан. Суд ишни менинг фойдамга ҳал қилди. Энди мен учун ташвишли кунлар ортда қолди. Болаларимнинг эртасидан ҳам кўнглим тўқ, Чунки ҳақиқат қарор топди.

САХОВАТЛИ ҚАШҚАДАРЁ ЗАМИНИ УЛКАН ЎЗГАРИШЛАР АРАФАСИДА

◀ (Давоми. Бошланиши 1-бетда).

Шавкат Мирзиёев жорий йил январь ойида Қашқадарё вилоятига ташрифи чоғида Қарши шаҳридаги Ислом Каримов кўчасида жойлашган Болалар боғи номини “Ватанпарварлар” деб ўзгартириш, бу ерда ана шу шаарфли номга уйғун руҳда реконструкция ишларини амалга ошириш юзасидан топшириқ берган эди.

Богни барпо этишдан мақсад ёшларда тарихимиз ва маданиятимиздан гурулраниш туйғусини кучайтириш, Ватан равнақи йўлида фидокорона курашган миллий қаҳрамонларимиз номини абадилаштириш, армиямиз кудратли ва салоҳиятга ишончни кучайтиришдан иборат.

Қариб 7 гектар ҳудуддаги “Ватанпарварлар” боғи ана шу мақсадларга ҳамоҳанг тарзда янги қиёфа касб этмоқда. Бу ерда 2018-2019 йилларда 29,3 миллиард сўмлик реконструкция ишлари амалга оширилди. Сунъий кўл, кириш дарвозаси, амфитеатр, блеңдаж, ўқ отиш жойи ва лукодором қурилиши аяунланди. Музей қурилиши тугалланиш арафасида, парашютдан сакраш минораси қурилиши, кўкаламзорлаштириш ишлари давом этмоқда.

Бог ҳудудига Мудофаа вазирлиги томонидан тақдим этилган, турли йилларда хизмат қилган 24 та ҳарбий техника макети ўрнатилган. Махсус тайёрланган блеңдажни кўрган киши кўз ўнгига Иккинчи жаҳон урушида мардонавор жанг қилган ватандошларимиз келади.

Богда ўрнатилган Ўзбекистон харитасининг улкан макетида ҳар бир вилоятнинг буюк сиймолари, қадимий обидалари, сервикор тоғлари, дарёлари, бепеёни кенгликлари акс этирилган.

Мухтасар айтганда, бу ерга ташриф бюйрувчилар Ўзбекистонимиз ҳудудлари ҳақида тўлиқ маълумотга эга бўлади.

Бог яқинида қурилган 4 та замонавий кўп қаватли тураржой, халқаро талабларга жавоб берадиган замонавий ёпиқ сузиш ҳавзаси ҳудуд манзарасини янада гўзаллаштиради.

Президентимиз богда яратилган шароитларни кўздан кечирди, таълим муассасаларидаги “Жасорат” гуруҳлари аъзолари билан суҳбатлашди.

Бундай масканлар ёшларга халқимиз тарихи, маънавияти ва маданияти ҳақида аққол таассурот беради. Энди бундан самаралар фойдаланиш, ушбу масканга ёшларни кўпроқ олиб келиб, очик дарслар ўтказиш керак, деди Шавкат Мирзиёев.

Ўзбекистоннинг Иккинчи жаҳон урушидаги галабага қўшган ҳиссасининг аҳамиятини ёшларга етказиш, тинчлик-осойишталигимиз учун катта хизматлар қилган ватандошларимиз ҳақида сўзлаб бериш зарурлиги таъкидланди.

Давлатимиз раҳбари “Ватанпарварлар” боғи ёнида қад ростлаган янги сув спорти мажмуаси билан танишди. Ушбу замонавий иншоотда 25х11 метрлик тўрт йўлакдан иборат иккита сузиш ҳавзаси мавжуд. Ташқи кўринишни парвоз қўлаётган қўшни эсла-тадиган иншоот ҳавзасидаги сув махсус филтрлар ёрдамида тўлиқ янгилаб турилади. Ювиниш, овқатланиш, тиббиёт ва фитнес хоналарида барча қўлайлик яратилган. Бу ердаги замонавий шароитлар ота-оналарнинг, ёшларнинг сув спортига қизиқишини оширади.

Шавкат Мирзиёев бу ерда шуғулланаётган ёш спортчилар билан суҳбатлашиб, уларга келгуси муСОбакаларда омадлар тилади.

Шу билан Президентимизнинг Қашқадарё вилоятига ташрифи аяунланди.

Улугбек АСРОРОВ,
Умар АСРОРОВ,
Зиёдулла ЖОНИБОВ,
Ўза махсус мухбирлари..

МЕХНАТ СОҲАСИДАГИ ХАЛҚАРО ҲАМКОРЛИК ВА ИСТИҚБОЛЛИ ЛОЙИҲАЛАР ТАҲЛИЛ ҚИЛИНДИ

Тошкентда 14 декабрь куни Халқаро меҳнат ташкилоти бош директори Гай Райдер бошчилигидаги делегациянинг мамлакатимизга ташрифи доирасида “Барқарор тараққиёт мақсадлари доирасида муносиб бандлигини таъминлаш: халқаро амалиёт ва Ўзбекистон тажрибаси” мавзусида халқаро конференция бўлиб ўтди.

Ушбу нуфузли тадбирда Ўзбекистон, шунингдек, Россия, Озарбайжон, Қозонистон, Қирғизистон, Тожикистон каби давлатлар мутахассислари, БМТ Тараққиёт дастури, ЮНЕСКО, ЕХТ, Халқаро миграция ташкилоти, Осие тараққиёт банки экспертлари иштирок этди.

Унда меҳнат миграциясини тартибга солиш, аҳолини ижтимоий Ҳимоя қилишнинг долзарб масалалари муҳокама қилинди.

Анжуманда Халқаро меҳнат ташкилоти бош директори Гай Райдер сўзга чиқди.

— Дунёда кенаятган сўнгги воқеалардан шундай Ҳулоса қилиш мумкинки, жамият, иқлим ўзгармоқда, глобаллашув, миграция жараёни тезлашган, — деди ХМТ бош директори. — Буларнинг барчаси биздан меҳнат муносабатлари келажакни судлик билан таҳлил қилишни тақозо этади. Бугунги анжумандан ҳам айнаи мақсад кўзаланган.

Ўзбекистон Халқаро меҳнат ташкилотининг тўлақонли аъзоси Ҳисобланади. Мамлакатимиз ХМТнинг 14 та конвенциясини ратификация қилган.

Халқаро конференцияда Ўзбекистон Республикаси Бош вазири ўринбосари, Хотин-қизлар қўмитаси раиси Танзила Норбоева мамлакатимизда ХМТнинг ратификация қилинган конвенциялари доирасида ҳукумат даражасида олиб борилаётган ишлар мазмунига тўхталиб, Ўзбекистонда меҳнат муносабатларига зид ҳолатларга йўл қўйилмаслигини қатъий таъкидлади.

Халқаро меҳнат ташкилотининг Муносиб меҳнат концепцияси иш ўринлари яратиш ва самарали бандлигини таъминлаш, хавфсиз шароитлардаги меҳнат қоболати ва ҳуқуқларини таъминлаш, мақсадли ижтимоий Ҳимоя, соҳа қонунчилигини ривожлантириш ҳамда тақомиллаштириш, ижтимоий мулоқотни фаоллаштириш каби стратегик вазифаларни ўз ичига олади.

Ўзбекистон Республикаси бандлик ва меҳнат муносабатлари вазири Шерзод Қудбиевнинг қайд этишча, мамлакатимизда ушбу концепция доирасида болалар ва аёллар меҳнат ҳуқуқларини Ҳимоя қилиш бўйича самарали чора-тадбирлар қўрилмоқда.

Анжуманда халқаро экспертлар томонидан бугунги кунда меҳнат муносабатларига дахлдор қарашлар эскирган, жамият ривожланишининг янгича кўриниши ва шаклларига муҳтож экани қайд этилди. Хусусан, Халқаро меҳнат ташкилотининг Европа ва Марказий Осиё мамлакатлари бўйича минтакавий бюроси директори Хайнц Коллер глобаллашув, ахборот технологиялари тараққиёти жараёнида “иш ўрни” тушунчасини қайтадан кўриб чиқиш зарурлигини таъкиф қилди.

— Глобал миёёнда олиб қараганда, муносиб иш ўринлари тақсимоти адолат мезонларидадан оғишганига гувоҳ бўлиш мумкин, — дейди Х. Коллер. — Рақамлар мисолида айтилганда, жаҳонда ҳар 10 кишидан икки нафари доимий иш жойига эга, холос. Бугун меҳнат бозорига кенаятган яна бир муҳим ҳодиса ишчи қўчи сонининг ортиб бораётганидир. Ҳисоб-китобларга кўра, 2030 йилга бориб, ривожланаётган давлатларда ишчи қўчи ўртача 60 фоиз ўсади. Ўзбекистон аҳолиси йилдан-йилга кўпаймоқда. Ишчилликка барҳам бериш мақсадида мамлакатингизда ҳар йили минглаб янги иш ўринлари яратилаётгани эътиборга молик. Бунда ишлохотлар натижаси ўлароқ, иктисодий ўсиш суръатлари қузелайётгани муҳим ўрин тутмоқда.

Жорий йилда АҚШ Меҳнат вазирлиги Ўзбекистонни пахта етиштириш ва териб олишда болалар меҳнатидан фойдаланувчи мамлакатлар рўйхатидан чиқарди, ХМТнинг дастлабки ҳисоботида эса мажбурий меҳнатга қарши курашишда Ўзбекистонда салмоқли юксалишлар қузелтилгани қайд этилди.

Анжуман иштирокчилари Ўзбекистонда 2018 йилги пахта ҳосилини териб олиш мавсуми давомида мажбурий меҳнатга жалб қилиш ҳолатларининг ХМТ халқаро экспертлари ва ҳуқуқ ҳимоячилари иштирокида қабул қилинган мониторингори Ҳулосалари билан таништирилди.

Жорий йилда мамлакатимизда талабалар, ўқитувчилар ва тиббиёт ходимлари пахта йиғим-теримига жалб этилган. 2017 йилдагига нисбатан кўйла пахта териш тарифи 30 фоиз оширилган. Мансабдор шахсларнинг аҳолини мажбурий меҳнатга жалб қилгани учун жазо чоралари кучайтирилган. Хусусан, 200 дан зиёд раҳбар ходимлар айнаи ҳолат бўйича маъмурий жавобгарликка тортилган.

Анжуман ўз ишини ялпи сессияларда давом эттирди. Унда муносиб меҳнат ва аҳоли бандлигини таъминлаш, меҳнат миграцияси хавфсизлигини таъминлаш ва тартибга солиш, меҳнат муносабатлари истиқболларининг фундаментал тақомиллари каби устувор вазифалар атрофида муҳокама қилинди. Иштирокчи давлатларнинг ушбу соҳадаги фаолиятига доир тақдимотлар ташкил этилди.

Халқаро конференцияда Ўзбекистон Республикаси Бош вазири А. Арипов сўзга чиқди.

Малоҳат ҲУСАНОВА,
Ўза мухбири.

ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИНИНГ ЎН ЕТТИНЧИ ЯЛПИ МАЖЛИСИ ТЎҒРИСИДА АХБОРОТ

◀ (Давоми. Бошланиши 1-бетда).

Бугунги кунда ҳар ой яқунида халқ депутатлари туман ва шаҳар Кенгашлари олдида ички ишлар бўлимлари бошлиқларининг ёшлар масалалари бўйича 198 нафар ўринбосари, маҳалла ахли олдида 6 минг 896 нафар профилактика инспектори амалга оширилган ишлар ҳақида ҳисобот берди. Мазкур ҳисоботларнинг аяунлари бўйича ўз вазифаларини сидқидилдан бажариб келаётган профилактика инспекторлари рағбатлантирилди, хизмат вазифаларига виждонан муносабатда бўлмаганларга эса интизомий ва маъмурий жазо қўлланилди.

Шунга қарамай, бугунги кунда фуқароларнинг ички ишлар ходимларига нисбатан ишончи лозим даражада, деб бўлмайди. Гарчи хизмат интизомини бузиш ҳолатлари кескин камайган бўлса-да, ҳуқуқбузарликлар, фуқаролар билан муносабатларда уларга нисбатан қўполлик ҳолатлари ҳамон учраб турибди. Шу муносабат билан сенаторлар томонидан бу йўналишдаги ишларни янада кучайтириш, ҳуқуқ-тартибот идоралари ходимларининг масъулиятини ошириш зарурати қайд этилди. Ушбу масала бўйича Олий Мажлис Сенатининг тегишли қарори қабул қилинди.

Сенаторлар Ўзбекистон Республикаси ташқи ишлар вазирининг Ташқи ишлар вазирлиги зиммасига юкланган вазифаларни бажариш бўйича фаолияти тўғрисидаги ахбороти ҳақидаги ҳисоботни эшитдилар. Бу борада муайян ишлар амалга оширилгани таъкидланди. Жумладан, Ўзбекистон Республикасининг Ташқи ишлар вазирлиги ва хориждаги муассасалари томонидан Ўзбекистон Республикаси вазирликлари, идоралари, ҳокимликлари ва компаниялари ҳамда хорижий шериклар ўртасида савдо-иқтисодий ҳамкорлик соҳасида умумий суммаси 6 миллиард долларлик 80 дан ортқ ҳужжатлар имзолашда кўмак берилди.

Хорижий инвестицияларни жалб қилишга қаратилган изчил ишлар амалга оширилмоқда. Жумладан, 2018 йил ноябрь ойининг охирига келиб, Ўзбекистоннинг дипломатик миссиялари томонидан умумий қиймати 21 миллиард долларлик 372 та лойиҳа ишлаб чиқилмоқда.

Хорижий муассасалар томонидан Ўзбекистоннинг туристик салоҳиятга бағишланган қариб 250 та тақдимот ўтказилди. Дипломатик миссиялар 50 дан ортқ туризм кўргазмаси ва ярмаркаларда иштирок этди.

Шу билан бирга, вазирлик фаолиятини ўрганиш ва таҳлил қилиш фойдаланилманган катта салоҳият ҳамда ҳал этилмаган қатор муаммо ва камчиликлар борлигини кўрсатди.

Жумладан, идоралараро ҳамкорликни таъминлаш муаммоси ҳанузгача ҳал этилмаган, ишлаб чиқилган лойиҳаларни амалга ошириш жараёни ёки ташрифлар аяунлари тўғрисида ахборот олиш имконини берадиган Ўзбекистон Республикаси вазирлик ва идоралари билан аниқ ўзаро алоқа механизми мавжуд эмас, бу эса икки томонлама ҳамкорликнинг чинакам ҳолатини билишни, уни янада ривожлантириш бўйича долзарб тавсиялар тайёрлашни келкайди.

Мамлакатимиз товарлари экспортни ривожлантириш, инвестициялар ва туристларни жалб қилиш масалалари бўйича вазирлик ва идоралар билан ҳамкорлик қилишда Ташқи ишлар вазирлиги ва дипломатик ваколатхоналар хорижий муассасаларнинг тақлифлари соҳага иктисослашган идоралар ва вилоятлар ҳокимликлари томонидан узоқ кўриб чиқишлиши билан боғлиқ муаммога дуч келмоқда. Бу бир қатор муҳим икки томонлама тадбирларнинг мажбуран бекор қилинишига ёки қўчирилишига сабаб бўлмоқда.

Ҳокимликлар фаолиятида идоралараро мувофиқлаштириш етишмаслиги, хорижий шериклар билан ҳамкорлик бўйича аниқ режалар ишлаб чиқишга расмиятичилик юзасидан муносабатда бўлиш сақланиб қолмоқда. Ташрифгача инвесторлар билан масофавий ишлар олиб борилмаяпти, ҳамкорлик шартлари, шартномалар қийматлари келишиб олинмаяпти. Охир-оқибат учрашув-

лар аниқ шартномалар ва мақсадли битимлар тузиш ўрнига ҳамкорлик тўғрисида оддий меморандумлар имзолаш билан аяунланмоқда.

Хорижий муассасалар кўп сонли ҳисоботлар тайёрлаш билан ҳаддан ортқ кўп шуғулланиши ишлар самарадорлигига салбий таъсир кўрсатмоқда. Бундай ҳолат, айнқса, ходимлар штатининг чекланганлиги ҳисобга олинса, хорижий муассасаларга



диққат-эътиборни аниқ натижага қаратиш имконини бермаяпти.

Бугунги кунда Ўзбекистон инвестиция салоҳияти тўғрисидаги чет тилларида сифатли тайёрланган мазмунан бой материаллар ҳали ҳам етишмаслиги қузелтилмоқда.

Сенаторлар Ташқи ишлар вазирлиги фаолияти самарадорлигини янада ошириш юзасидан тавсиялар билдирдилар. Жумладан, Ўзбекистон Республикасининг хориждаги муассасалари 2019 йилги иш режаларини тузишда экспортнинг импортга нисбатан жадал суръатларда ўсишини, айнқса, узоқ хориж мамлакатларидан туристлар оқими ошишини таъминлаши зарур.

Шунингдек, Қорақалпоғистон Республикаси ва вилоятларнинг инвестиция ва туристик салоҳиятини танитиш учун Ўзбекистонда аккредитациядан ўтган дипломатик ваколатхоналарнинг янги ходимлари учун республика ҳудудларига гуруҳ бўлиб мунтазам ташрифлар ташкил этишни амалиётга жорий қилиш зарурлиги қайд этилди. Муҳокама аяунлари бўйича Олий Мажлис Сенатининг тегишли қарори қабул қилинди.

Сенаторлар Фарғона вилояти ҳокимининг ҳудудларни ривожлантириш ҳамда халқ депутатлари маҳаллий Кенгашлари фаолияти ҳақидаги ҳисоботини ҳам эшитдилар.

Қайд этилгандек, 2018 йилда ҳудудни комплекс ривожлантириш ва бу жараёнда халқ депутатлари маҳаллий Кенгашлари салоҳиятидан фойдаланиш юзасидан муайян ишлар амалга оширилган. Жорий йилнинг тўққиз ойи давомида вилоят ялпи ҳудудий маҳсулот ҳажмлари ўсиши 105,3 фоизга етди, жалб этилган хорижий инвестициялар ҳажми 90 миллион АҚШ долларини ташкил этди. Бу кўрсаткич ўтган йилнинг шу давридагига нисбатан икки баравардан ортқ ошди. Жорий йилнинг ўтган даври мобайнида 2930 та кичик бизнес субъекти фаолият бошлади ва уларнинг сони қариб 29 мингтага етди. Улар томонидан қиритилган инвестициялар ҳажми 1,5 триллион сўмдан ортқини ташкил этди. Натижада ҳудудда янги иш ўринлари сони ортмоқда, уларга, асосан, ёшлар жойлаштирилмоқда.

Жорий йилнинг тўққиз ойи давомида тадбиркорлик соҳасини молиявий қўллаб-қувватлаш мақсадида тижорат банклари томонидан 2 триллион 552 миллиард

665 миллион сўмлик кредит маблағлари ажратилди.

Ўзбекистон Республикаси Президентининг 2017 йил 22-23 июнь кўнлари ва 2018 йил 12-13 июнь кўнлари Фарғона вилоятига ташрифи вақтида билдирилган топшириқларни ижро этиш доирасида 380 та лойиҳа тасдиқланди.

Долзарб ижтимоий-иқтисодий муаммоларни ҳал қилишда айрим халқ депутатла-

ри маҳаллий Кенгашлари ва уларнинг депутатлари фаолияти муҳим аҳамият касб этмоқда. Жумладан, маҳаллий Кенгашларда 500 дан зиёд мансабдор шахсларнинг аҳолини ташвишига солаётган долзарб муаммоларни ҳал қилиш бўйича ҳисоботлари тингланди, масъул тузилмалар раҳбарларига 300 дан ортқ депутат сўровлари (мурожаатлари) юборилди.

Шу билан бирга, сенаторлар Фарғона вилоятида маҳаллий Кенгашлар фаолияти самарадорлигини оширишга салбий таъсир кўрсатаётган қатор муаммо ва камчиликлар борлигини, мавжуд салоҳиятдан тўлиқ фойдаланилмаётганлигини таъкидладилар.

Муҳокамалар аяунлари бўйича вилоятни ривожлантириш масалаларини ҳал қилиш юзасидан вазирликлар ва идоралар ҳамда маҳаллий ижро этувчи ҳокимият органлари жавобгарлигини оширишга қаратилган Олий Мажлис Сенатининг қарори қабул қилинди.

Шундан сўнг, сенаторлар “Халқаро миграция ташкилоти Конституциясини (Брюсель, 1953 йил 19 октябры) ратификация қилиш тўғрисида”ги Ўзбекистон Республикаси қонунини кўриб чиқиб, маъқуладилар. Сенат аъзолари 2019 йилда кўп тармоқли фермер ҳўжалиklarини ташкил этиш дастури тўғрисидаги масалани муҳокама қилдилар. Дастур лойиҳаси Вазирлар Маҳкамаси томонидан Ўзбекистон Республикаси Президентининг 2017 йил 9 октябрдаги “Фермер, деҳқон ҳўжалиklари ва томорқа ер эгаларининг ҳуқуқлари ва қонуний мафлаатларини Ҳимоя қилиш, кишлоқ ҳўжалиги экин майдонларидан самарали фойдаланиш тизимини тубдан тақомиллаштириш чора-тадбирлари тўғрисида”ги Фармониға мувофиқ қиритилгани таъкидланди. Муҳокама аяуни бўйича Олий Мажлис Сенатининг қарори қабул қилинди.

Шунингдек, сенаторлар Ўзбекистон Республикаси Бош вазири А. Н. Ариповға контракт бўйича ҳарбий хизматга кириш ва уни ўташга оид қонун ҳужжатлари ижроси ҳолати ва бу соҳадаги ҳуқуқни қўллаш амалиёти юзасидан парламент сўрови юбориш тўғрисидаги масалани ҳам кўриб чиқдилар. Қайд этилганидек, мазкур соҳада қурилган чора-тадбирлар натижасида ҳарбий хизматчиларнинг профессионал маҳорати, интеллектуал салоҳияти ва ҳарбий тайёргарлиги даражаси ошди, уларни ҳуқуқий ҳамда ижти-

Халқ сўзи

2018 йил 15 декабрь

Парламентдаги мухбиримиз хабар қилади

Қонунлар ижроси устидан қатъий назорат олиб бориш белгиланди

Шартнома асосида ҳарбий хизматга қабул қилиш, хизмат муддатини узайтириш ва хизматдан бўшатишга оид қонун ҳужжатлари, уларни Мудофаа, Фавқулодда вазиятлар ва Ички ишлар вазирликларида ижро этилиши аҳоли ҳамда бу масалалардаги ҳуқуқни қўллаш амалиёти ишчи гуруҳи томонидан ўрганилганда, қатор тизимли муаммо ва камчиликлар борлиги аниқланди.

Аввало, шартнома асосида ҳарбий хизматга кириш ва танлов ўтказишининг амалдаги тартиби ўта мураккаб, бири-бирини такрорловчи ортқича босқичлар, талаблар ва бюрократик тўсиқлардан иборат бўлиб, бу жараёнларда очкилик ва шаффофлик, жамоатчилик назорати мавжуд эмас.

Айрим ҳолларда фуқаро ҳарбий хизматга кириш тўғрисида ариза билан шартнома тузилгунга қадар бўлган вақт ун ойдан бери йилгача ёки ундан ҳам узоқроқ муддатга қўзилиб кетаяпти. Мазкур муаммоларнинг инобатга олиб, сенаторлар Бош вазирга сўров юбориш тўғрисида қарор қабул қилди.

Мунисхон ҚАРИМОВА
ёзиб олди.



САЛОМАТЛИК — ДАВЛАТ ВА ЖАМИЯТ ТАРАҚҚИЁТИНИНГ КАФОЛАТИ

“Конституциямизда ҳар бир инсон малакали тиббий хизматдан фойдаланиш ҳуқуқига эга экани мустаҳкамлаб қўйилган. Бу муҳим ҳаётий қоиданинг ижросини таъминлаш — халқимиз генофондини асраш ёки оддий қилиб айтганда, давлат ва жамият тараққиётининг кафолатидир, десак, айни ҳақиқатни айтган бўламиз”.

Президент Шавкат МИРЗИЁЕВнинг Ўзбекистон Республикаси Конституцияси қабул қилинганининг 26 йиллигига бағишланган тантанали маросимдаги маърузасидан.

Жужанна ЯКАБ,

Жаҳон соғлиқни сақлаш ташкилотининг Европа минтақавий бюроси директори:

— Мамлакатингиздаги тиббиёт соҳасига оид ўзгаришларни диққат билан кузатиб бораёмиз. Давлат раҳбарининг ташаббуси билан қабул қилинаётган ҳуқуқий-меъёрий ҳужжатлар, ўтказилаётган учрашув ва йиғилишлар, чет эллик юқори малакали мутахассисларнинг Ўзбекистонга жалб қилинаётгани соҳани янада ривожлантириш ҳамда аҳолининг тиббий хизматга бўлган талабини қондиришда муҳим аҳамият касб этмоқда.

Юртингизда соғлиқни сақлаш тизимида эришилган энг катта ютуқлардан яна бири, шубҳасиз, бу — оналар ва болалар йилимининг кескин камайганидир. Одамларнинг ўртача умр кўриш даражаси ҳам сезиларли ўсиб бормоқда.

Жаҳон соғлиқни сақлаш ташкилоти мамлакатингизда тиббиёт соҳасида амалга оширилаётган ислохотларни тўла қўллаб-қувватлайди. Ўзбекистонда олиб борилаётган кенг қўлмалли ишлар

қўллаб давлатларга намуна бўлади. Зеро, сўнгги икки йил ичида соғлиқни сақлаш тизимини ислох қилишга қаратилган 130 га яқин ҳужжатларнинг қабул қилиниши жаҳоннинг биронта давлатида кузатилмаган. Айниқса, дунё давлатларининг энг йлғор тажрибаларини ўзида уйғунлаштирган 2019 — 2025 йилларда Ўзбекистон Республикаси соғлиқни сақлаш тизимини ривожлантириш концепцияси, ишонамани, аҳолига тиббий ёрдам



кўрсатишни сифат жиҳатидан янги босқичга кўтариш, фан ва технологияларнинг замонавий ютуқларини жорий этиш, соҳа ходимларини ҳар томонлама қўллаб-қувватлаш ҳамда салоҳиятини оширишда муҳим роль ўйнайди.

Феруз НАЗИРОВ, академик В. Вохидов номидаги Республика ихтисослаштирилган илмий-амалий хирургия маркази директори, академик:

— Президентимиз ташаббуси ва бевосита топириғи билан тиббиёт муассасамизда органлар трансплантацияси бўйича замонавий операциялар амалга оширилмоқда. Тўрт мунчаг саломат бўлсин, деган ибора бежиз эмас. Зеро, вужудимизда ҳар бир аъзонинг меъёрдаги фаолияти соғлом ва бахтли ҳаёт кечиришимизда муҳим аҳамиятга эга. Бироқ иссиқ жоннинг иситмаси бор. Гоҳида одам организмидagi баъзи аъзолар фаолияти турли сабабларга кўра буткул издан чиқади. Ушбу жараёнда уларнинг ўрнига соғлом аъзоларни кўчириб ўтказиш инсон саломатлигини тиклашда энг самарали ечимдир. Масалан, яқин вақтга қадар буйрак етишмовчилигининг сўнгги босқичига ўтган беморлар ҳаётидан умид қилинмас эди. Эндilikда буйраклар трансплантацияси ёрдамида бундай касаллик билан оғирган беморлар тўлақонли соғлом ҳаётга қайтмоқда.

Алоҳида таъкидлаш керакки, мамлакатимизда аъзолар ва тўқималар трансплантациясига рухсат берилиши халқимиз томонидан узоқ кутилган муҳим янгилик бўлди. Чунки ана шундай



дай юқори технологик операцияларга муҳтож инсонлар катта маблаг ва вақт сарфлаб, юртимиздан четга, хусусан, АҚШ, Германия, Россия, Хиндистон каби тиббиётни ривожланган давлатларга боришига тўғри келарди. Моддий имкониятга эга бўлмаган беморлар эса тақдирга тан беришга мажбур эди. Бугунги кунда эса мамлакатимизда маҳаллий шифокорлар ва хорижлик мутахассислар ҳамкорлигида ўтказилаётган новёз жаррохлик амалиёти беморларнинг яна оёққа туриб, соғлом инсонлардек яшашига имкон бераётгани ҳар биримизни беҳад хурсанд қилади.

“Халқ сўзи” мухбири Дилшод КАРИМОВ ёзиб олди.



Ботир ДАМИНОВ, Тошкент педиатрия тиббиёт институти ректори:

энг катта талаблардан бири кадрларни тайёрлаш вазифасидир. Олий таълим муассасаларида профессионал кадрлар тайёрлаш, уларни қайта тайёрлаш, малакасини ошириш масалалари ҳамон долзарблигича қолмоқда. Ечимини қутаётган яна бир масала бор: талаблар қайси адабиётлар асосида ўқитилди? Шифокорлар-чи? Ўқув юртиларини битираётган ёш кадрларнинг замонавий тиббий асбоб-ускуна ва жиҳозлар билан ишлаш олиш кўникмаси қандай? Қувонарлики, Концепцияда мазкур масалалар ечимига ҳам алоҳида эътибор қаратилган. Ҳужжатдаги яна бир жиҳат — соҳада инновацион технологияларни ривожлантириш масаласи.

Жаҳонда тиббий ёрдамнинг самарадорлиги, сифати ва оммабоплигини ошириш мақсадида тиббий стандартлаштириш тизими шакллантирилган, таххис қўйиш ҳамда даволашнинг юқори технологик усуллари жорий қилинган, патронаж хизмати ва диспансеризациянинг самарали моделлари яратилган. Концепция асосида юртимизда ҳам соҳага инновацион технологияларни кенг жалб этиш, “электрон соғлиқни сақлаш” тизимини жорий қилиш, ягона миллий стандартлар асосида интеграциялашган ахборот тизимлари ва маълумотлар базаси мажмуасини яратиш белгилангани тизимини халқимиз истифода юқори даражага кўтаришга хизмат қилади.



ОАВ билан ТУЗИЛГАН МЕМОРАНДУМ

Ўз натижасини беряпти

Айни пайтда Бош прокуратура ҳузуридаги Ахборот-таҳлил мультимедиа маркази таниқли режиссёр ва киножодкорлар иштирокида бадий ҳамда ҳужжатли фильмлар тайёрламоқда. Унинг дастлабки қисми марказ ташкил этилган кун арафасида эфирга узатилиши кутуляпти. Фильмларда марказнинг йил давомида амалга оширган ишлари, прокуратура органлари томонидан очилган жиноятлар ва бошқа масалалар камраб олинди.

Бу ҳақда Ўзбекистон Республикаси Бош прокуратурасида ўтказилган семинарда маълум қилинди. Унда қатнашган маҳаллий ва хорижий экспертлар, давлат идоралари вакиллари, журналистлар мавзу доирасида ўз муносабатларини билдирдилар.

Бобур АЛИХОНОВ, Бош прокуратура ҳузуридаги Ахборот-таҳлил мультимедиа маркази директори:

— ОАВга ҳақиқий ва фидойи журналистлар керак. Улар ўз соҳасини ипидан игнасиғача билсин. Лекин афсуски, ҳамма жойда ҳам бундай эмас. Улар орасида журналистикани яхши тушушмайдиغان бошқа соҳа вакиллари ҳам кўрасиз. Мазкур ҳолат ОАВ тараққиётига путур етказиши.

Бугунги кунда марказда нафақат ҳуқуқий ҳужжатларга шарҳлар, содир этилган жиноятларга оид тафсилотлар

лар, балки аграр тармоқ бўйича ҳам алоҳида йўналиш очилиб, таҳлилий материалларни тайёрлаёмиз. Шу кунгача марказ томонидан 500 дан ортиқ турли мавзулардаги шарҳлар эълон қилинди. Бунда “Халқ сўзи” ва “Народное слово” газеталари ҳамда бошқа нашрлар, ахборот агентликлари билан тузилган ҳамкорлик меморандумлари уларнинг янада кенгроқ ёритилишида муҳим ўрин тутмоқда.

Шерзодхон КУДРАТХҲАЕВ, Ўзбекистон журналистика ва оммавий коммуникациялар университети ректори, “Халқаро пресс-клуб” раиси:

— Тезкорликда биринчи бўлман, деб ҳолислик ва ҳаққонийликни қўлдан бой бериш, бу — журналистика қонун-қоидалари ҳамда этикасига ҳам тўғри келмайди. Ахборот ортидан қувши керак, лекин журналистиканинг олтин қонидларини четлаб ўтмаслик лозим. Бугун юртимизда фаолият юритаётган баъзи ижтимоий тармоқлар, хусусан, интер-

нет сайтларида ана шундай ҳолатлар кузатиляпти. Журналистлар малакасини оширишни тизимли йўлга қўйиш керак. Шу мақсадда университетимиз қошида ҳуқуқий ва журналистиканинг бошқа йўналишларида малака ошириш курсларини ташкил этмоқчимиз. Қолаверса, ҳарбий журналистларни тайёрлайдиган йўналиш ҳам очишни режалаштирганмиз.

Юрген БЕКЕР, ЕХТнинг Ўзбекистондаги лойиҳалари координатори лойиҳалар бўйича катта маслаҳатчи:

— Ўзбекистонда сўз эркинлиги таъминланган. Айниқса, бу борада ОАВда сезиларли ўзгаришлар кузатиляпти. Давлат органлари, хусусан, ҳуқуқни муҳофаза қилувчи идоралар эса

ОАВ учун очик. Биз ушбу йўналишда ҳуқуқ-тартибот органлари билан ҳамкорликда ўзаро тажриба алмашиш, янги лойиҳаларни татбиқ этишдан манфаатдормиз.

Конструктив тарзда ўтган семинарда муаммо ва камчиликлар ечимига доир тақлифлар, фикр-мулоҳазалар билдирилиб, шу асосда ҳамкорлиқни ривожлантиришнинг истиқболли йўналишлари белгилаб олинди.

Раҳим ШЕРҚУЛОВ, “Халқ сўзи” мухбири.

Шов-шув ортидан қувиб, хатога йўл қўйманг

Ўзбекистон Республикаси Адлия вазирлиги “Ислохотлар даврида оммавий ахборот воситалари: ахборот трансформацияси ва касб этикаси муаммолари” мавзусидаги семинар-тренингга тақлиф қилганида, беихтиёр шундай саволлар туғилди: нима учун айнан ушбу вазирлик журналистларга бундай тадбир ташкил этипти? ОАВ фаолиятига дахлдор бошқа идора ва ташкилотлар турганида, ахборот тарқатиш, касб этикаси бўйича уларнинг бизга семинар ўтиши қай даражада тўғри?

Анжуман

Пойтахтимиздаги “Wyndham Tashkent” меҳмонхонаси залида уч соат давом этган анжумандан сўнг шу каби саволларимизга жавоб топдик ва мутахассислар билан журналистлар, блогерларнинг юзма-юз учрашиш, ахборот тарқатишда йўл қўйиблаётган камчиликлар, қонунбузилиш ҳолатлари ҳақида очик-ойдин гаплашиб олиши айни зарурат экан, деган хулосага келдик. Бунинг асослари бор...

Адлия вазирлиги Русланбек Давлетов кейинги вақтларда ўткир журналистик материаллар, таҳлилий мақолалар ва курсатувлар, тажрибали ҳамда профессионал журналистларнинг интернет нашрлари орқали чиқишлари жамоатчилик фикрини шакллантиришга ижобий туртки бераётганини ало-

ҳида айтиб ўтди. Лекин кўпроқ журналистик фаолиятни қонуний амалга ошириш борасида йўл қўйилаётган хатолар хусусида тўхталиш. Вазирнинг урғу беришича, баъзида тезкорлик, шов-шув ва рейтинг ортидан қувиб, маълум гуруҳларнинг ёки шахсларнинг манфаатини қўзлаб, ахборотни яхши текширмай ёки атайин бузиб тарқатиш, бунинг ортидан келади-ган ижтимоий, ҳуқуқий, руҳий-маънавий ва бошқа оқибатларини ўйламаслик ҳоллари учирмоқда. Айрим ОАВда инсон шайни ҳурмат қилиш масаласига эътибор берилмапти, жиноятчиликни ёритишда айб-сизлик презумпциясига риоя қилинмапти. Масалан, салбий воқеа юз берган жараёни ёритишда айбдор деб гумон қилинаётган шахсин ҳали суд иши якунланмай, айби аниқланмай туриб “айбдор”, “жиноятчи” дея

аташ, талқин қилиш ёки унинг ўзини очик-ойдин оммага кўрсатиш қонун нормаларига зиддир. Бундай ҳолатлар, афсуски, гоҳида учрамоқда. Қолаверса, жиноятчилик ҳолатлари тўғрисидаги материаллар баъзан антиреклама вазифасини ўтаётти. Мисол учун, вояга етмаганларнинг ўз жонига қасд қилиши билан боғлиқ хабарларнинг ОАВда берилаётгани шундай ёшдагилар онгда “муаммонинг ечими шу экан-да”, деган тушунчани шакллантириб қўяётти. Ўз навбатида, баъзи оммавий ахборот воситаларида қонга булганган пичоқнинг тасвирини келтириш одатий ҳолга айланиб қолди. Лекин бундай ахборотлар айрим шахслар руҳиятига салбий таъсир этиши мумкинлигини ҳам инобатга олиш лозим.

Ҳозирги кунда мамлакатимизда интернетдан фойдаланувчилар сони 20 миллионга етди. Ижтимоий тармоқлар (“Facebook”, “Instagram”, “Telegram”)да бир кунда 1,6 миллион фойдаланувчи фолдир. Бунинг ижобий жиҳатлари кўп. Лекин шуниси ҳам борки, ижтимоий тармоқ, бу — омизга келганини айтаверадиган, истаган ахборотини тар-

қатaveraдиган жой эмас. Ундозини фойдаланишининг ҳам ўзини қонун-қоидаи бор. Афсуски, айримлар бунга амал қилмаётти. Сабабсиз агрессия, оммавий ҳақорат ва тўхмат қилиш ҳолатлари ортиб бормоқда. Натижада 2017 йилда 37 минг 805, 2018 йилнинг биринчи ярмида эса 41 минг 841 нафар фуқаро оммавий тўхмат ва ҳақоратда айбланиб, маъмурий жавобгарликка тортилди. Бундан тўғри хулоса чиқариш керак.

Анжуманда бирор сайт рейтингини ошириш учун қандайдир шов-шувли ахборот эълон қилса, унинг тўғри ёки нотўғрилигини текширмай, бошқаларни ҳам дарров ўшани манба қилиб олиб, кун бўйи “айлан-тириши” танқид қилинди. Блогерларнинг мажбуриятлари хусусида ҳам фикр юритилди.

Қисқаси, жуда кўп масалалар, фикр-мулоҳазалар билдирлиди, тақлифлар ўртага ташланди. Адлия вазирлиғи журналистларни ҳамкорликка чакирди. Семинар доирасида, шунингдек, ОАВ вакиллари учун чиқарилган амалий қўлланманинг тақдироти ҳам бўлиб ўтди.

Шавкат ОРТИКОВ, “Халқ сўзи” мухбири.

Энди қалбаки маҳсулотлар бозордан жой олмайди



Маълумотларга кўра, бугунги кунда халқаро миқёсдаги умумий савдо ҳажмининг 7 фоизи ёки 1 триллион АҚШ доллари миқдоридидаги маҳсулотлар қалбаки экан. Дунёдаги истеъмол қилинаётган алкоголь маҳсулотларининг 30 фоизи қўлбола усулда тайёрланганига нима дейсиз?

Дори-дармонлар статистикаси ҳам одамни хушёр тортириши аниқ; жами ишлаб чиқарилган фармацевтика маҳсулотларининг 10 фоизи сохта препаратлар улушига тўғри келади.

Ачинарлиси, сўнгги 5 йилда улар билан савдо қилиш 90 фоиз ошган. Қўлбола дори воситалари йилга 700 минг одамнинг умрига зомин бўлмоқда. Энг ёмони, қўлбола тамаки маҳсулотлари таркибидидаги кўрговин 6 марта, қатрон 160 фоиз, угле-род оксиди эса 133 фоиз кўп. Айнан тамаки маҳсулотларининг ноконуний айланмасидан жаҳон мамлакатлари бюджети 40 миллиард АҚШ долларидан ортиқ маблаг йўқотади. Бу — жаҳон миқёсида. Ўзбекистонда ҳам шунга оид рақамлар кичик эмас.

Қўрилаётган комплекс чораларга қарамай, ноконуний айланаётган, паст сифатли, контрафакт ва қалбакилаштирилган маҳсулотлар ҳажмининг ошиши кузатилмоқда. Алоҳида турдаги товарларнинг республикага ноконуний олиб кирилиши ёхуд ишлаб чиқарилиши, сотилиши ва истеъмол қилиниши кишини ташвишга солади, албатта.

Президентимизнинг “Алоҳида турдаги товарларни маркировка-

лашнинг замонавий усуллари жорий этишга доир чора-тадбирлар тўғрисида”ги қарори худди шу каби камчиликларни бартараф этишга қаратилган.

Бинобарин, ҳужжатга кўра, 2019 йилнинг 1 августдан эътиборан мамлакатимизда товарлар тоифасидан келиб чиқиб, импорт қилинаётган ва республикада ишлаб чиқарилаётган товарларни ҳимояланган белги ҳамда нано-молекуляр технологиядан фойдаланган ҳолда мажбурий маркировка-калаш босқичма-босқич жорий этилади.

— Жорий йилнинг ўтган 11 ойида 727 миллион сўмлик спирт ва спиртли ичимликлар, 2,5 миллиард сўмлик тамаки маҳсулотлари, 7 миллиард сўмлик дори воситалари ноконуний кириб келишининг олди олинди, — дейди Давлат божхона қўмитаси бошқарма бошлиғи Бахтиёр Абдуғаниев. — Эндиликда янги тартибга мувофиқ, чегарадан кириб келаётган қонуний импорт товарларга махсус маркарлар ёпиштирилади ва улар-

нинг истеъмолчиларга етиб борган ҳолатига қараб назорат қилинади. Бу эса ноконуний маҳсулотларнинг бозор расталарига чиқишига чек қўйди.

Қарор билан маркировка-



ши мажбурий бўлган 47 номдаги товарлар рўйхати тасдиқланди. Улар қаторига идишларга қадокланган сув, шарбатлар, алкоголь ва тамаки маҳсулотлари, спирт,

ёқилғи, ўғитлар ҳамда дори-дармон воситалари киритилди. Ўз навбатида, жарима санкциялари миқдорларининг оширили-шини киритган ҳолда товарларни маркировкасиз сотганлик учун жа-вобгарлик белгиланишини назар-да тутувчи қонун лойиҳаси, шу-нингдек, товарларни ҳимояланган белги ҳамда нано-молекуляр тех-нологиядан фойдаланиб, мажбу-рий маркировкалаш тартиби ишлаб чиқилади.

Товарларни маркировка қилиш



«Халқимиз ардоғидаги пенсияерлар қаторида эканлигимиздан хурсандмиз»

Президентимизнинг Конституциямиз қабул қилинганининг 26 йиллигига бағишланган тантанали маросимдаги маърузасини бутун Ўзбекистон халқи катта ҳаяжон билан тинглади. Айниқса, инсон манфаатларига қаратилган ислохотлар, аҳоли, хусусан, ишлаётган пенсионерларни қўллаб-қувватлаш борасида билдирган фикрлари халқимиз кўнглидан жой олди.

Муносабат

Тожибархон ЮЛДАШЕВА, Ўзбекистон Республикаси Олий Мажлиси Сенати аъзоси, Ҳўжаобод туманидаги “Шахрихонсой” МФЙ раиси, “Эл-юрт хурмати” ва “Дўстлик” орденлари соҳиби:

— Давлатимиз раҳбарининг пенсионерларни ижтимоий жиҳатдан қўллаб-қувватлаш учун қулай шарт-шароит яратиш борасидаги фикрларини эши-тиб, гоътада кўнглим кўтарилди. Зеро, қайсики юрт-да кескаларга хурмат-эҳтиром кўрсатилиб, уларга бўлган эътибор юксалар экан, шу давлатнинг кела-жағи ҳамшира порлоқ бўлади.

Орадан бир неча кун ўтиб, Президентимиз томо-нидан “Фуқароларнинг пенсия таъминоти тизими самарадорлигини ошириш ва пенсионерларни иж-тимоий қўллаб-қувватлашни қучайтиришга оид қўшимча чора-тадбирлар тўғрисида”ги Фармони имзоланиши бунинг амалий тасдиғи бўлди. Унга кўра, 2019 йилнинг 1 январидан бошлаб ишлаёт-ган пенсионерларга пенсияси тўлиқ миқдорда бе-риладиган бўлди. Қолаверса, пенсияни ҳисоб-ки-тоб қилиш учун иш ҳақининг максимум миқдорини энг кам ойлик иш ҳақининг 8 баробаридан 10 ба-робаригача ошириш тўғрисидаги тақлифлар маъқулланди.

Маҳбуба МУИНОВА, Бухоро шаҳридаги 34-умумтаълим мактаби ўқитувчиси:

— Кўп йиллардан буён ёшларимизга сабоқ бе-раман. Пенсияга чиққанимдан кейин ҳам ўз севган юмушини давом эттиришга тўғри келди. Ҳамон фойдам тегаётганидан мамнунман. Аммо ҳар са-фар пенсия пулининг ярмини оларқанман, деган ўй кўнглимдан ўтарди...

Давлатимиз раҳбари тантанали тадбирда биз, пен-сияерлар ичидаги шу каби ўйларга, таъбир жоиз бўлса, муаммога ечиб топиб берди. Яқинда қабул қилинган Фармон билан унинг ҳуқуқий асоси ҳам яратилди.

Эндиликда ҳам ойлик иш ҳақимизни, ҳам пен-сия пулимизни тўлиқ оламиз. Бундан нафақат пен-сияерлар, балки ҳар бир юрдошимизнинг шод бўлгани аниқ.

Абусалом ЖОНИБЕКОВ, Гулистон давлат университети ҳузуридаги Халқ таълими ходимларини қайта тайёрлаш ва уларнинг малакасини ошириш ҳудудий маркази кафедраси доценти, “Дўстлик” ордени соҳиби:

— Энди ҳар бир инсон пенсия ёшига етар экан, кўп йиллик меҳнатига яраша муносиб рағбат топа-диган бўлди. Бундан гоътада мамнунмиз.

Рости, аксарият фахрийлар бирон жойга ишга чакирлишса, пенсия пули билан тақлиф этилаётган иш ҳақини ҳисоблаб қўриб, кейин рози бўларди. Ўзининг тажрибаси ва малакаси жуда зарурлиги, албатта, пенсияда бўлса-да, жамиятга кераклиги-ни масъулият билан ҳис қилган қўллаб кекса мута-хассислар пенсия пулининг баракаси учса-да, ўз соҳаларида ишини давом эттиришарди.

Келгуси йилдан вазият ўзгаради. Пенсия пули тўла қўлимизга тегади. Бу биз, фахрийларнинг юр-тимизга ва хориқга саёҳат қилишимиз, қариганда амалга оширмадан, деган оруз-хавасимизни рўёбга чиқаришимизга катта имконият яратди.

“Халқ сўзи” мухбирлари ёзиб олди.



ўзидаёқ тамаки ва алкоголь соту-видан тушган солиқлар миқдори 34 фоиз ошган, Малайзияда эса давлат бюджети 100 миллион АҚШ долларидан ортиқ қўшимча тушумга эга бўлган.

Мутахассисларнинг ҳисоб-ки-тобларига қараганда, жаҳон миқёсида асосий гуруҳдаги товар-ларни маркировка қилишда хиз-матлар нархи 1 000 бирлиқдаги маҳсулот учун 5 евродан 25 ев-рогача бўлган миқдорда баҳолан-ган. Бизда эса бу тартиб амалиётга киритилгач, мингта эмас, балки битта маҳсулот учун бу хизмат 50 сўмдан 240 сўмгача тушиши мумкин.

Яна бир муҳим жиҳат шундаки, эндиликда сифатли маҳсулот сотиб олишимиз учун қафолат яратилляпти. Бундан ташқари, бун-дай маҳсулотлар сотувидан газ-нага тушадиган пул миқдори ҳозиргига нисбатан 25 фоиз ортади.

Халқона ибора билан айтган-да, “Асилга ишониш, сохтадан тониш” ҳеч кимнинг қадрини ту-ширмаган, аксинча осмонларга кўтарган.

Бош прокуратура ҳузуридаги Ахборот-таҳлил мультимедиа маркази материаллари асосида Р. ОТАМУРДОВ тайёрлади.

Долзарб мавзу

БАЛИК
ҚАЧОН АРЗОН БЎЛАДИ?

Тиббий меъёрларга кўра, бир киши йил давомида ўртача 14 килограмм балиқ ва балиқ маҳсулотлари истеъмол қилиши тавсия этилади. Чунки бу нъмат таркибиди инсон саломатлиги учун зарур қўллаб фойдали моддалар мавжуд бўлиб, унинг ўрнини қоплашнинг муқобили йўқ.

Таннархни уч марта
пасаитириш
мумкин

Кейинги пайтда бозорларимиз расталарида балиқ ва балиқ маҳсулотлари нисбатан кўпайганини

айланди. Бунда давлатимиз раҳбари томонидан охириги икки йилда қабул қилинган қарорлар муҳим аҳамият касб этмоқда. Ушбу хужжатларга мувофиқ, дастлаб “Ўзбекбалиқсаноат” уюшмаси ташкил этилгани, унга берилган 200 минг гектар табиий сув ҳавзаларининг 150 минг гек-

олисида жойлашган бўлса-да, нафақат юртимиз аҳолиси эҳтиёжига яраша, балки ундан ҳам кўп балиқ етиштириш учун сув ресурслари мавжуд. Йилнинг 320 кунни қуёшли бўлади. Лекин озуқа масаласи балиқчиларнинг энг оғирлиги муаммоси саналади.

Балиқ озуқаси шунчаки омикта ем эмас. У бугдой, маккажўхори, арпа, соя ва бошқа қишлоқ ҳўжалиги маҳсулотлари, шунингдек, витаминлар, жами 22 хил компонентдан иборат бўлади. Ушбу хом ашёлар махсус технология асосида қайта ишланиб,

сувда чўкмайдиган гранула ҳолига келтирилади. Бундай витаминлар билан бойитилган озуқаларни биз четдан оляимиз. Унинг ҳар килограмми ўртача етти-саккиз минг сўм атрофида. Агар балиқ озуқаларини ишлаб чиқариш маҳаллийлаштирилса, ушбу тармоққа ихтисослаштирилган фермерларга озуқа экинлари етиштириш учун қўшимча ер ажратилса, балиқ таннархини уч марта арзонлаштириш мумкин.

Ютуқлар кўп,
муаммолар
ҳам кам эмас

“Ўзбекбалиқсаноат” уюшмасидан маълум қилишларича, шу йилнинг 1 август ҳолатига кўра, 72 та балиқчилик ҳўжалигида 242 гектар майдонда интенсив усулда кичик сув ҳавзалари барпо этилган. Жорий йилда балиқ маҳсулотларини қайта ишлайдиган қуввати 3450 тонналик 8 та цех ва қуввати 3225 тонна бўлган 13 та музлаткич ишга туширилди. Шунингдек, балиқ личинкалари ишлаб чиқарувчи 26 та инкубация цехи фойдаланишга топширилди. Тармоққа жаҳон тажрибасини олиб кириш мақсадида Вьетнам, Хитой, Россия, Эрон, Венгрия сингари давлатлар мутахассислари билан ҳамкорлик ўрнатилмоқда.

Булари ахши, албатта. Лекин балиқ етиштириш ҳажмини оши-

риш, таннархини арзонлаштириш борасидаги вазифалар нечоғлиқ уудаланяпти?

Уюшма раисининг биринчи ўринбосари Рўхулла Қурбоновнинг айтишича, республикамизда йилгига ўртача 70 — 80 минг тонна балиқ етиштирилмоқда.

Ваҳолонки, Ўзбекистон аҳолисининг йиллик эҳтиёжи 400 минг тоннани ташкил этади. Бундан кўринадики, ҳали тармоқда қилинадиган ишлар кўп. Ечимини кутаётган муаммолар ҳам кам эмас.

Президентимиз томонидан қисқа муддат ичида тармоққа дахлдор бир неча қарор имзолангани ҳам бу борада ҳал этилиши зарур бўлган масалалар тўғрисида қолганидан даролат беради. Чунки балиқчиликни бошқариш тизими йиллар даво-

ресурсларидан фойдаланишнинг бугунги ҳолати қониқарли эмас. Ҳамон эски, ўзини оқламайдиган, самарадорлиги паст бўлган технологиялардан фойдаланиш устуворлик қилмоқда. Буни тасаввур этиш учун айни пайтда атиги 8-9 фоиз балиқлар интенсив усулда боқилаётганини айтиш кифоя, назаримизда. Модомики, тармокни таракқий эттирмоқчи эканмиз, бундан бўёгига фақат интенсив технологияни қўллашимиз даркор.

Давлатимиз раҳбарининг жорий йил 6 ноябрдаги “Балиқчилик соҳасини янада ривожлантиришга доир қўшимча чора-тадбирлар тўғрисида”ги қарорида энг асосий йўналиш сифатида ҳўжаликларни босқичма-босқич интенсив усулга ўтказиш белгилаб берилгани диққатга сазовор.

✦ **Ҳозирги пайтда балиқчилик ҳўжаликлари томонидан 45 та табиий сув ҳавзасига 3240 та қафас мосламаси ўрнатилиб, балиқ етиштирилмоқда.**

✦ **Балиқ личинкалари ишлаб чиқарувчи 26 та инкубация цехи фойдаланишга топширилган.**

✦ **Жорий йилда балиқ маҳсулотларини қайта ишлайдиган қуввати 3450 тонналик 8 та цех ва қуввати 3225 тонна бўлган 13 та музлаткич ишга туширилди.**

✦ **Республикамизда йилгига ўртача 70 — 80 минг тонна балиқ етиштирилмоқда. Ваҳолонки, Ўзбекистон аҳолисининг йиллик эҳтиёжи 400 минг тоннани ташкил қилади.**

Кластер —
давр талаби

Бугунги бозор иқтисодиёти шароити барча соҳа олдига янги талаблар қўймоқда. Балиқчилик ҳам бундан мустасно эмас. Зеро, мавжуд имкониятлар билан

чекланиб қолмасдан замон билан ҳамнафас иш юритиш, махсулот етиштиришнинг муқобил манбаларини қидириб топиш давр талабига айланган.

— Балиқчиликда аграр усулдан саноат усулига ўтишимизни ҳаётнинг ўзи тақозо этяпти, — дейди Рўхулла Қурбонов. — Ўғни хавзага балиқ чавоқларини ташлаб, табиий ҳолда ривожланишини кутиб ўтирмасдан, Хитой, Вьетнам, Венгрия, Германия каби давлатларда ўзини оқлаган интенсив усулларни изчил татбиқ қилишимиз зарур. Бунда, асосан, Хитой усулига аҳамият берилляпти. Унинг афзаллиги шундаки, ҳавзаларни маълум даражада кичиклаштириб, аэраторлар қўйиш ўртача махсулдорликини 15 — 20 центнердан 65 — 70 центнерга кўтартиш имконини беради. Шу каби илгор усуллар шарофати билан яқин йилларда Ўзбекистонда харидоригр бўлган зогорабалиқ етиштиришни 70 фоиз ошириш мўлжалланаётгани қувонарли.

Тармоқдаги яна бир истиқболли йўналиш кластер усули ҳисобланади. Қарорда 2019 — 2021 йилларда балиқчилик кластерларини ташкил этишнинг манзилли дастури лойиҳаси ишлаб чиқилиши белгилаб берилди. Бу балиқ чавоқлари етказилишидан тортиб, уни қайта ишлаш учун харид қилишгача бўлган жараёндар тизимли равишда қамраб олинди, деганидир.

Қисқача айтганда, кластер кичик фермер ҳўжаликлари ҳамда аҳолига хар томонлама ёрдам беришни назарда тутди. Бу эса одамларнинг балиқчилик билан шуғулланиш истагини янада кучайтиради.

Очиги, бугун балиқчилик тармоғида бажарилган ишлардан кўра, ҳали қилиниши лозим бўлган юмушлар кўп. Бу давлатимиз раҳбари томонидан имзоланган хужжатларда ҳам ўз аксини топан. Булар бўйича мутасадди ташкилотлар зиммасига қатор вазифалар қўйилганки, уларнинг ижросига жиддий қиришилмоқда. Самара эса узоқ куттирмаслигига умид қиламиз.

Бинобарин, ушбу мақолада аҳолининг арзон балиқ ва балиқ маҳсулотларига бўлган эҳтиёжини қондириш масаласига тўхталдик, ҳолос. Унинг етказиб берилишидаги узилишлар, тез аийнийдиган мақур маҳсулотни сотиш учун бозорлардаги, айниқса, олис худуд ҳамда чекка қишлоқлардаги реал шарт-шароитлар, ихтисослаштирилган дўкон ва рестороанлар фаолиятидаги камчиликлар навбатдаги материалларимизга мавзу бўлади...

Соид РАҲМОНОВ,
Дилшод УЛУҒМУРОДОВ,
«Халқ сўзи» мухбирлари.

ЭЪЛОНЛАР

Таълим

Ўзбекистон ёшлар иттифоқи томонидан Тошкент шаҳар Ёшлар марказида “Иттифок таълим гранти” совриндорларни тақдирлаш маросими бўлиб ўтди. Мазкур лойиҳа доирасида олий таълимнинг кундузги таълим йўналишида тўлов-шартнома асосида таҳсил

олаётган чин етим, ногиронлиги бўлган, Меҳрибонлик уйида тарбияланган талабалар қўллаб-қувватлаб келинмоқда.

Ўзбекистон ёшлар иттифоқи Марказий Кенгаши-

нинг 800 миллион сўмлик рамзий сертификати Олий ва ўрта махсус таълим вазирлигига топширилди. Жорий йил 55 нафар ижтимоий ҳимояга муҳтож талаба таълим гранти серти-

фикати ва қимматбаҳо совғаларга эга бўлди.

Интернет манбалари асосида
Дилмурод СОДИКОВ
тайёрлади.

55 нафар талабага грант
сертификати берилди

ЎЗБЕКИСТОН РЕСПУБЛИКАСИ БОШ ПРОКУРАТУРАСИ ҲУЗУРИДАГИ

МАЖБУРИЙ ИЖРО БЮРОСИНИНГ

«ЭЛЕКТРОН ОНЛАЙН-АУКЦИОНЛАРНИ ТАШКИЛ ЭТИШ МАРКАЗИ» ДУК
онлайн-аукцион савдоларига таклиф қилади.

Ўзбекистон Республикаси Марказий банки «Республика инкассация хизмати» давлат унитар корхонасининг Сирдарё вилояти бошқармаси билан 2018 йил 30 ноябрда тузилган СИ-00048-сонли шартномага асосан, **https://www.e-auksion.uz** электрон манзилидаги электрон савдо майдончасида **2018 йил 20, 27 декабрь** кунлари ва **2019 йил 7 январь** кунни ўтказиладиган очик аукцион савдоларига «Республика инкассация хизмати» ДУК Сирдарё вилояти бошқармасининг қуйидаги автотранспорт воситалари қўйилган:

Т/р	Автотранспорт русуми	Ишлаб чиқарилган йили	Давлат рақами	Лот рақами
1.	«NEXIA CONC GM UZ»	2009 й.	20 773 HAA	0031908
2.	«NEXIA D GLE DAEWOO»	2004 й.	20 336 YAA	0031909
3.	«DAMAS»	1999 й.	20 339 DAA	0031910
4.	«YAZ 31514»	2001 й.	20 360 DAA	0031911
5.	«YAZ 31514-10»	1996 й.	20 351 DAA	0031912
6.	«YAZ 31514»	2001 й.	20 356 DAA	0031913
7.	«YAZ 31514»	2001 й.	20 354 DAA	0031914
8.	«YAZ 31514-10»	1996 й.	20 326 DAA	0031915
9.	«YAZ 31514-10»	1996 й.	20 359 DAA	0031916
10.	«YAZ 31514»	2001 й.	20 283 HAA	0031917
11.	«YAZ 31514»	1997 й.	20 286 HAA	0031918

Автотранспортлар сақланаётган манзил:
Сирдарё вилояти, Гулистон шаҳри, Алишер Навоий кўчаси, 48-уй.

Талабгорлар диққатига!

Аукцион савдоларида иштирок этиш — «E-IJRO AUKSION» ягона электрон савдо майдончаси ахборот тизимида белгиланган тартибда рўйхатдан ўтиш йўли билан амалга оширилади.

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1245. 71 717 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоиси келишилган нархда.

Газетанинг ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-233-52-55;
Котибона 71-233-10-28; Эълонлар 71-232-11-15.



Тахриратга келган қўлёмалар тақрир қилинмайди ва муаллифга қайтарилмайди.

Газетанинг сўказиб берилиши учун обунани расмийлаштирган ташкилот жавобгар.

Газета тахрират компьютер марказида термал ҳамда оператор А. Исмомов томонидан саҳифаланди.

Газетанинг полиграфик жихатдан сифатли чоп этилишига “Шарқ” нашриёт-матбаа акциядорлик компанияси масул.

Босмахона телефони: 71-233-11-07.

• МАНЗИЛИМИЗ:

100000,

Тошкент шаҳри,

Матбуотчилар кўчаси, 32-уй.

Навбатчи муҳаррир — З. Ашурова.

Навбатчи — Ш. Фодуров.

Мусахҳих — С. Исломов.

“Шарқ” нашриёт-матбаа акциядорлик компанияси босмахонаси. Корхона манзили:
“Буюк Турон” кўчаси, 41. ЎзА якуни — 00.40 Топширилди — 01.40 1 2 3 4 5 6

Халқ сўзи

Народное слово

МУАССИСЛАР:

Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси